

Korosi

Pas nda Por ai Korosihündambo sürü papimarandi

¹ Ro Por Sisas Kraisindi hoafi sahamindi ha-rihandeimb-anahi. God ai ahandi hohoanimonambo wambo Kraisindi hoafi semindi hombohünda kafaore hininji-mareandiri.

² Wandi wandafi, Timoti diboanehi pas nda sürü papirihho Godindi nendi Sisasimbo anihondumbo-rihoreimbi Korosi ngoafihü amarei siheimbo koararihheoandi. Sifehi Ape God ai siheimbo moani hipoambo-ndearühi ngusüfoambe afurife kifimbi hohoanimo mbisagadür-amboane.

God ai Korosi nendambo anihondumbofe hohoanimo botimareandiri

³ Yihoehi didibafife hoafi ranambe siheimbohünda munquambo si Godimbo sifehi Adükari Sisas Kraisindi afindi ranahambo hihifirihorihü hoafiyahoando rihöandüh-anehi.

⁴ Se Sisasimbo anihondumbo-rihorühi asu Godindi nendi amuri animboei aheimbo ngusüfo parihhi marihündi hoafi ra ro himborimayehi ranimboyehe ro Godimbo hihifimarihori.

⁵ Nimboe sapo se anihondü hoafi asu aboedi hoafi ranai tüküfeyoani aboedi moatükuni God ai sünambe masihendi ranahambo himboriyehi hehi semindimbohünda anihondümborihini nimoamo himboyehei arihündi. Asu ranana

sihei hiipoambofe asu ŋusüfo pefe hohoanimo ranahandi nımındihane.

⁶ Muŋguambo hifiñhü ai bokamarıhoemo ranıyo nımorehi nindowenihi afındı anıhondümbo-rihindühi süngumarıhindı asu ranıyo ahei hohoanimo ra aboedi tükümeŋeyo sıheimbo rawareandı nou. Aboedi hoafi ra weaŋgurühi sıheimbo sowahi tükümeŋeyoa hımboriyeihi asu ranımbo Godındı moanı hiipoambofe hohoanimo ra anıhondümbo fıfirımarıhindı.

⁷ Epafras ai Godındı-mayo moanı hiipoambofe hohoanimo hoafi ra yamundi-mareandıri ra se fıfirıhimboanei. Nındou ranai ro-dıbo Sisasındı ratüpurıyefı-rıhundeimb-anı asu ai yıhoehımbo farıhemunı arandı ahambo ŋusüfo pamarıhorı.

⁸ Yıfiafi Aboedi ranai sıheimbo nındou ŋgorümbo ŋusüfo pefe hohoanimo masagadıri ra Epafras ai yıhoehımbo wataporımbomarıandı.

God ai Korosimbo ŋgıñımbı-ramündürı yahuhaya Por ai dıdıbaŋımeŋındo

⁹ Ranımbo-hündamboyehi ro sıheimbo hımboriye hohoa muŋguambo sı ra sıheimbohünda Godımbo dıdıbaŋıye arıhoandı. Ranıyehi ro Godımboya ai Yıfiafi Aboeındı-mayo aboedi fıfirıfe dagadıranı asu se nıni-moatükunı ai yıfırayu ra fıfirı-mbırıhında se hohoa dıdıbaŋı-yahoando arıhoandı.

¹⁰ Ranımbo-hündambo-anımbo asu se Adükarındı nendı nahurai hahabodeihü asu nıni hohoanimo se rawarıhindı ra hıhıfı-hıhıfındümbui. Rananımbo asu se nımboeımbo ahandı-mayo aboedi ratüpurı ranı yaŋgıri

süngundhi ndühündi asu sihei Godimbo fifirife ra ngombo adükarindimboe.

¹¹ Ro rariho didibafi-yahoandühi sehiya: God ai siheimbo ahandi hepünüfeimbi nginindinambo ngusüfoambe nginamindürimboane. Ranimboane asu nginindi nimboeimbo muṅguambo tiriifo ranahambo moanane mbiseihü hihifi-hihifindeihü Godimbo hihifindihori asehi.

¹² Ai siheimbo ramareandüra se aboedi hohoanimo süngurühi arihündi ranimboane asu aboedi moatükunü semindimbo diboniyu masihendürü raninambo süngunambo ndahümündimboeyi. Rananimbo Godindi nendi muṅguambo si God hifandirandi ranifihü animboei rani-babidi rani-moatükunü ra se ndahümündimboeyi. Ranahambo se Godimbo hihifindihori.

¹³ God aiyu sihefimbo nimbi nimarüwanipoedi hüramündümünü tüküfi aboedambo ahandi nimori mamü ranahandi nginindi hifandirandambe hinirigi-mareamunü.

¹⁴ Ahandi sünguyefi sihiri aboedambo tüküyahundühi sihefi moaruwai hohoanimo ranahambo amboawiyeyi mehumunü.

Sisas asu ahandi ratüpurü hohoanimo

¹⁵ Godindi nimori Krais-ana sapo God hoeifekoate-ayefi yahurai sisamü hamindani. Aiana weaṅgurühi hondü tüküfi haya asu muṅguambo moatükunü God ai nafimarandi ra ai ngasündife nimindhani.

¹⁶ Ahandi sünguyo God ai muṅgu moatükunü nimoamo sünambe asu hifini ra

nafimarandi. Ai hoeifeimbi asu hoeifekoateimbi moatükunî nginîndî munḡuambo nafimarandi. Raniyu munḡu moatükunî ra ahandî süḡgu ahambohünda nafimarandi.

¹⁷ Raniyu Sisas Kraisi ai boatei munḡu moatükunî tüküfekoate-yoambe manüḡgu asu rani-moatükunî ranai ahandî nginîndînambo aboedî tüküfe enḡoro.

¹⁸ Ranimboane asu ai ahandî nendi-yafe fi ranahambo mbiroyuhü asu fi ranahambo yangiri niḡgombo nimîndîhayu. Ai boatei weanḡurühi tükümeḡiyu asu munḡu moatükunî ranahambo bogori niḡgombohünda ai boatei yifihündî botimeḡiyu.

¹⁹ God ai ahandî munḡuambo yangiri niḡgombo hohoanimo asu nginîndî ra ahandî Nimorîndî fiambe mbi-marowamboane mehu.

²⁰ Munḡu moatükunî hifi ndanihünda asu sünambeahîndî ra Godimbo hürütimb-anei, ḡga ahandî nimorîndî süḡguyu ai munḡua moatükunî ra ai randeambui asu God-babidî wudîndeimboyei. Ranimboyo Sisasi ndî horî ranai nimî keimbi karihendeimbi fihî kamefoenda asu God ai sihefi hürütimbü hohoanimo ra hifinambo-mareandi.

²¹ Horombo ana God ai anḡuni manüḡgu asu se anḡuni manimboei. Raniyei asu se ahambo hohoanimoambe hürütümarîhorî. Sapo se moaruwai hohoanimo ra süḡgurîhindühi wambo.

²² ḡga asu Sisasi ai nimî keimbi karihendeimbifihî yifyuhü rani-süḡgunamboyu God ai-dibo niḡgombo mamambe-mareandürî. Siheimboya, ai wambo sowana sühüsihümbö

asu ai aboedi sürühehindeimbi nımboeimbo moaruwai hohoanimo ra nımarıkoate-mbeyondürı yahuhayamboyu ramareandı.

²³ Se anıhondümbofe hohoanimo ranınambo kıkıhısafı-rıhümündihı moanı ıngınındı anımboei ana, ranı-moatükunı sıheimbo tükündıfemboe. Nga moaruwai ratüpurı hohoanimo ranai sıheimbo hühündeiranı asu se aboedi hoafı hımborıyei hehi anıhondümbo-marıhındı ra hınıngı-ndıhimboyei. Ro Por aboedi hoafı ranahandı ratüpurıya-rıhandeimb-anahı asu hıfı ndanıhü nındou muıguambo ranaheimbo ranı hoafı ra hoafıya marıhandı.

Por ai Korosimbo mafarıhendürı

²⁴ Haponda ro sıheimbo farıhefendürühı nıne tııırıfo ra wandı finambofe semındımbo hıhıfı-hıhıfeheandı. Roana Kraısındı nendı ahandı fı nouayo ranımbo fehefembo samboanahı. Kraısındı asübusı ahandı nendı ranaheimbo farıhefembo ra awı mbeıgorı. Asübusı ra ro semındımboayahı nda Sısasındı asübusı ranıdıbo sımoıgorındıhea samboanahı.

²⁵ God ai ahandıhoarı kamafoareandıramboyahı ro Kraısındı nendı-yafe ratüpurıyorambo sıheimbo farıhefe-ndürımböhünda tükümeheandı. Ranımbo-hündambo-anımbo asu ro Godındı hoafı eıgoro ra muıgu wataporımbo-ndıhamboyahı.

²⁶ Muıguambo sı maho ra horombo ana hoafı ra muıguambo nındou ranahei hımboahüdıbo meıgoroıyo. Nga hapondanı ana Godındı nendı ranahei hımboahü weindahı hamındı tüküfemboane.

²⁷ God ai hoafi dibo engoro ra Suda-yafe ndifo ranaheimbo nafuimbo yahumboani. Hoafi dibo hamindi mengoro, nga God ai weindahimareandi ra ndahurai-ane: Sisas ai se-babidi manungu-wamboanei asu se ahambo hifandarihori. Nimboe ai siheimbo semindinduri hafo ai-babidi aboedi napo ahandi-mayo sunambe engoro ra semindimbohunda.

²⁸ Roana Sisasindi aboedi hoafi ra munguambo nindou mamami ranaheimbo hoafiyefirihundeimb-anefti. Rananefti ro nindou munguambo ranaheimbo wudipoaporihu yamundrihuruhi ahini hoafiyefi arihundi. Asu ro aboedi hamindi fifirifenambo yamundihunduri arihundi sapo ai nginindi hamindi sungurihindeimbi tukundahindani asu ro Godimbo sowana semindinduri hombohunda.

²⁹ Ranimbo-hundamboane asu ro Adukarindi nginindinambo tjamboyahuhi ratupurayahi. Kraisi aiyu rani nginindi ra wandi fiambe hiningimareandiri.

2

Ai nginindi anihondumbo-ndihinduhi tikai hoafi yihiri-mbirihind-amboane

¹ Ro siheimbo yarihi fifirimbirihinda samboanahi afindi hamindi tinjirifoayah se-anei adukari ngoafi Raodisiahund-anei asu Godindi nendi wandi ngusumboari hoeifekoate-mayei-anei fehefembohunda.

² Ahei hohoanimo ra nginindi tukindifehumbo ngusüfo pefirindeih aboedi hohoanimo sahümündihumbo asu rani hohoanimo ranai

ahai anihondümböfe hohoanimo ranahambo nginimbi-ramindindura samboanahi. Asu Godindi dibo hoafi horombo mengoro ranamboani ai fifirimbirihinda samboanahi. Nga Krais-ani ai ahandihoari hoafi ranahambo nimindihayu.

³ Godindi munguambo fifirife asu hohoanimo ra Krais ahandi hohoanimoambe tükufemboane nginindi napo arambe tükefeyo nou.

⁴ Nindou ngörü ai siheimbo sisindi hoafinambo tikai hoafinda-hündürimboyei saheheamboanahi hoafi nda siheimbo hoafayahi.

⁵ Ro se-babidimbo nimboambo-yahipoani, nga wandi hohoanimo ana se-babidimboane engoro. Rananahi ro se Kraisimbo anihondümborihorühi aboedi nginindi nimboeimbo ratüpurayei ranahambo fifirihhe hehea hihifi-hihifayahi.

Sihiri Krais-babidi ni boadefüh-animbo yangiri ni ngo hondü ra ndahumindefi-mboane

⁶ Nga asu se Sisas Kraisimbo yihoe fi Adükarani seihü masahorimindei ranimboane asu se ababidi nimboei ngei.

⁷ Rananimbo se ahandi nginindinambo nimboei sapo nimi ahari hifambe hanihü nginindi aningo-ane asu wori kambohoani nginindiwami nginindi afondaro nahurai nimboei. Ro siheimbo aboedi hoafi yamundarihündüri rani yangiri anihondümbondihindühi nginindi nimboeimbo asu se Godimbo hihifindihori ndühündi.

8 Asu se randihindühi hibadihumbo. Nga nindou ngorü ai siheimbo hoafi nimindi fifirifekoate hoafinambo tikai hoafindandürübui. Yahurai nindou-ana ahamundi amoao-yomondi-mayo asu moaruwai nendi hifandi-rundeimbi-yomondi-mayo hohoanimo masemüdu, nga ai moai Adükarindi hohoanimo süngureandi. Nga wani.

9 Muñguambo yangiri niñgombo hohoanimo Godindi-mayo ranana Kraisindi fiambe tüküfemboane.

10 Krais ai muñgu-moatükuní nginindeimbi ranahei mbiro-ani. Se Kraisind-anei, ranimboyu God ai siheimbo yangiri niñgo hohoanimo masagadüra shei fiambe tüküfemboane.

11 Se Krais-dibo animboadei ranimbohündamboyo se fi-hoeari kefetirihefe hohoanimo hondü sünguarihindi. Rani-moatükuní ranana fi-hoearindi-yopoani, nga wani. Nga rani-moatükuní ranana Kraisindi sünguyo shefi yaboateihündi ngusüfoambe hohoanimo ra raguanambo-fembohünda ramarihindi fi-hoeari kefe tirihefe nou. Rani-moatükuní ranana Kraisindi-mayo fi-hoeari kefe tirihefe hohoanimo hond-ane.

12 Se hundürayei ana, se Krais-babidi hifambe masamboerei nahurai-ane, asu se ai-babidi botimehindi. Se Godindi nginindi Sisasimbo botimariri ranahambo anihondumbo-marhinda ranimbo God ai siheimbo botimareandüri.

13 Horombo ana se moaruwai hohoanimo süngumarühi hei. Raniyei asu se yaboateihündi hohoanimo ra moai raguanambo-rihindi, nga asu ranai siheimbo hifokoa-mareandüri

noumehindi. Nga asu siheimbo God ai ahandi hipoambona Kraisindifihî yangiri niŋgombo hohoanimo ranambo botireandürî pamareandürî. Ranîyu asu ai ranî-simboanî sihei moaruwai hohoanimo mamarondürî ra raguanambo-mareandürî.

¹⁴ Ranîyo muŋguambo ahinümbî hohoanimo ranai sihefîmbo papi-hoafîreamunî mbura sihefî moaruwai hohoanimo ra weindahî-mareandi. Nîne hohoanimo moaruwai ratüpurîyefî marihundi ranana papi-hoafî sürü pefe sihefewa engoro, nga asu God ai ranî-moatükunî ra nîmî keimbi karîhe-ndeimbîfihî pare tikoramündühî muŋgu moendîmareandi.

¹⁵ Ranîyu God ai moaruwai nendî, asu ŋgîninîndî bogorîmboyafu-ndeimbî hîfînambo-mareapurî. Nîmî keimbi karîhendeimbîfihî God ai muŋguambo nindou-yafe himboahü nafuimayu Krais ai ahamumbo ŋgasündî-mareapura asu ai ŋgîninîndîkoate-memo.

Sihîrî Krais-babîdî yîfîmayefî

¹⁶ Ranîmbo-hündamboane nindou ŋgorü ai ŋgîrî siheimbo papi-hoafîndandürî sesi sesi, hoe simîndî, adükari rotumbo si asu simborî amoamofihî rotumbo asu moanî ŋgoafîmbo nîmarîmbo si ahinümbî ranîmbo.

¹⁷ Horombo ahinümbî hohoanimo ranana nîni-moatükunîyo süngunambo tüküfemboayo rana-hambo sisamî nahurai-ane, nga haponda Kraisani ai anîhondü hamîndî hondayu.

¹⁸ Se hîbadîhümbö nindou mamî ai siheimbo papi-hoafîndandüranî anîmbo se ŋgîrî Godîndî takîni ndahümündi. Ai tikarehaya ahei ndürî

hifinambo-mareandi, nga asu sunambeahindi nendi ranaheimbo adukar-anei sei hehi ahei ngusüfo ranaheimbo parihi arihündi rani hoanimo ranahambo hihifi-hihifiyei arihündi. Nindou ranai nini-moatükuní yafogoadinambo nahurai hoeiríhi hehi ranahambo afindi wataporimbo-arihündi ahei-hoarí ndüreimb-aneñí aseí. Nga ai nindou-yafe hohoanimo yangrí sünguríhindühi fifiríhundeimb-aneñí aseí.

¹⁹ Rananei asu nindou ranai Kraís mbíro hondü ranahambo moai ndoríhi kíkíhíríhomíndei. Kraísíndi nendi ai ahandí fi-ane asu Kraís ai mandüharí fisafí ranai türe-türe ra haya fi afíndi tükefeyo God ai ramareandambo wambo.

²⁰⁻²¹ Seana Kraís-babídi yífiyei mburíhü asu rani-simboani hífi ndaníhünda hohoanimo moaruwai ra ndeara híníngí-maríhind-ane. Nga asu nímböeyei haponda se nindou hífi ndaníhündambo hahabudi aríhündi nahurai tükehinda? Asu nímböeyei se munguambo hífiníndi hohoanimo ndahurai mengoro rani-hoarehí anímböei ra sapo yare hoafíyowohüya, 'Raní-moatükuní ra refepoani, rani-moatükuní ra sesípoani, rani moatükuní ra sündífepoani,' yaho arandi.

²² Se mungu moatükuní ra randíhinda moendíndímboe. Nindou aiyomo rani hoanimo ra moani ahamundi hohoanímonambo yangrí hohoanímoyomo houmbo síhefímbo yamundímarümuni.

²³ Aníhond-ane, rani hohoanimo raníramuní síhefímbo ngíníndi hohoanimo botíreamunaní asu síhírí sunambeahindi nendambo dídíbafíyahundühi síhefí hohoanimo ranahambo

hifinambo-reamunühi asu sihefi fi ranahambo asübusi semuni marandi. Ranimboyo asu sihefi himboahü ana rani-moatükunî ra ai aboedi mbumundi hamindi himbomayo. Nga asu rani-moatükunî ranana moaruwai hohoanimo sihefi ngusüfoambe botife ranahambo ngiri hifinambo-ndeandi, nga wani.

3

God ai Krais-babidi botimareamuni

¹ God ai Krais-babidi sihefimbo botireamunimboani. Ranimbo-hündambo-animbo asu nini-moatükunî hohoanimo nimoamo sünambe engoro ranahambo yangiri hohoanimondei. Nimoamo ranihü ana Krais ai munguambo moatükunî ranahambo bogorimbofi Godindi wari hondünî nimarümboani.

² Munguambo si aho ra se sünambeahindi moatükunimbo yangir-animbo hohoanimo pandihindi, nga hifinindi moatükunî raniyopoani.

³ Seana Krais-babidi yifimayei, ranimbowambo asu sihei koadürü yangiri niŋgombo hohoanimo ranai-ana dibo mbengori Krais-dibo Godindi fikimi, nga awi moai weindahi yangoro.

⁴ Krais-ana sihei yangiri niŋgombo hohoanimo ranahambo nimindhani. Süngunambo ai weindahi tüküfiyu-ambe-animbo asu se ai-babidi Godindi nginindi himboamupuimbo-randeimbi engoro ra ndahümündi hehimbo ranihü weindahi tükündahimboyei.

Se simbori hohoanimo sahümündi-mboanei

⁵ Ranimboane se sihei hohoanimoambe hifi ndanihündambo hohoanimo amarondürî

ra raguanambo-ndihindi. Ro hoafehandüri moaruwai hohoanimo nda ndahurai-ane: Nimorehi sisihimo hohoanimo, nindowenihí birabiri hohoanimo, ngusüfo botireandeimbi moaruwai hohoanimo asu nindou ngoründi napo hohoanife hohoanimo. Hohoanife hohoanimo ranana tikai godimbo süngufe hohoanimoane.

⁶ Nindou düdi ai Godindi hoafi himborikoate rani-moatükuni hohoanimo sünguarandi ana, asu God ai nindou ranahambo nginindindürühi moaruwaimbo-ndirümbui.

⁷ Horombo se-amboani nindou rani-babidi nimboeimbo muᅇguambo moaruwai hohoanimo ra süngumarhünd-ane.

⁸ Nga haponda se hohoanimo nda muᅇguambo hiniᅇgindihihi: Nginindi hohoanimo, watikoafi hohoanimo, nindou ngorümbo moaruwaimbofe hohoanimo, amonᅇni hoafi, muᅇguambo moaruwai hoafi ranana se muᅇgu hiniᅇgindihihi.

⁹ Se mamami simbori tikai hoafüri-ndeimboyei sapo ndeara yaboateihündi moaruwai hohoanimo ra sihei ngusüfoambe-ahindi hiniᅇgi-rhimboanei.

¹⁰ Nga asu hapondan-ana se simbori nindou tüküyahimboanei. God aiyu ahandihoari nindou simbori ra nafimarandi. Raniyu asu ai siheimbo hohoanimo simbori simborireandüri hiniᅇgireandüri arandi se God muᅇguambo moatükuni nafira-randeimbi ranahambo diboardofe fifirifimbohünda.

¹¹ Ranimboane asu Godindi simbori hohoanimo süngu sihiri ahandi himboahü mam-anehi. Suda asu Suda-yafe ndifo rani-

poan+mboyopoani, nindou fi-hoeari kefe tir+hefeimbi asu nindou fi-hoeari kefe tir+hefe-koateimbi rani-poan+mboyopoani. Ndi fo asu n+mambeah+ndi bur+yeimbi nindou, kaki sem+ndi koate ratüpur+yomo-rundeimbi nindou asu nindou moani aboedi n+ngomondeimbi ra rani-poan+mboyopoani. Nga Krai ai yang+ri adükar+ moatükun-ani asu muŋguambo sihefi flambe amarumuni.

¹² God ai siheimbo wand-anei yahu h+n+ng+ma-reandür-amboani, asu se ahandi nindoumbo yahi man+mboei-amboanei asu ai siheimbo muŋguambo si ngusüfo pareandür+ arandi. Rani+mbokane asu se hohoan+mo ndahurai ndahümündi: Hi+poambofe hohoan+mo, nindou di+di+boadi+fe hohoan+mo, afur+fe hohoan+mo, war+ hoafeandüh+fe hohoan+mo, simbor+ hoafi+koate hohoan+mo. Rani+hohoan+mo ra se süngundihi ndühündi.

¹³ Nindou ngorü ai siheimbo moaruwaimbo-areandür+ ana, asu se amboawi mbisei. Nindou ngorü ai ngorumbo moaruwaimboarir+ ana, nindou ranai ng+ri ahambo simbor+ hoafi+ndu. Sisas Krai ai sihei hohoan+mo moaruwai ranahambo amboawi mehu nahurai-an+mba asu se amboan+ rani-süngumbo nindou ranaheimbo amboawi mbisei.

¹⁴ Amur+ hohoan+mo muŋgu ra ranahambo kapeih+ ngusüfo pefir+ndei. Ranane ngusüfo pefe hohoan+mo ra muŋguambo mamambere h+n+ng+ireanda ng+n+ndi an+ngo.

¹⁵ Sisas Krai+ndi-mayo ngusüfoambe afur+fimbi hohoan+mo masemun+ ranai sihei ngusüfo ranahambo ndore hi+fandi+mbi+randür-

amboane. Se fi mamî nahurai-aneî asu God ai sîheimbo afurife küfimbî hohoanîmondei yahuhaya mborai mehündürî. Asu se Godîmbo hîhîfîndîhorî ndühündî.

¹⁶ Kraisîndî hoafî ra sîhei hohoanîmoambe ngînîndî mbîmarîndür-amboane. Se sîheihoarî ndondîhi fîfîrîndîhindühî sîmborî yamundîfirîndei. Se Herü Bukambeahîndî herü, Sisasîmbo kakîsaombo herü asu Yifiafî Aboedîndî-mayo herü ra heründeihi sîhei hohoanîmoambe Godîmbo hîhîfîndîhorî.

¹⁷ Rananîmbo asu se munğu moatükunî hoafî hoafayei-ane asu nîne ratüpurî ratüpurayei-ane ra Sisas Adükarî yifîrayu süngu ratüpurîndei. Krais ai sîheimbo mafarîhendürî ranîmbo-hündambo se Ape Godîmbo hîhîfîndîhorî.

Nîmorehî nîndowenihî asu ahei nîmorî ranaheimbo hoafî

¹⁸ Nîmorehî se, sîhei nîndowenihî ranahamundî hoarehî nîmboei. Ranî hohoanîmo ranane Godîndî hîmboahü aboedî hamîndayo.

¹⁹ Nîndowenihî se-amboanî, nîmorehî sîhamundî ranaheimbo ngusüfo pandundürühî sîsî-koate ndowandümondürî nîngomo.

²⁰ Nîmorî se-amboanî munğua moatükunî sîhei boagîrî ai hoafayei ahei hoarehî nîboadei. God ai ranî hohoanîmo ranahamboani hîhîfî-hîhîfayü.

²¹ Asu afîndî se-amboanî sîhamundî nîmorî ranaheimbo randüwuranî asu ai ngînîndî-ngînîndîndeihi dîgorî-dîgorîndahimboyei.

Ratüpurîyeyî-rîhündeimbi asu hîfandurundeimbi-yafe hoafî

22 Ratüpurîyei-rîhündeimbi se sihei hîfandündürî-rundeimbi ahamundî hoafi ranî-yanğîrî süngundîhindî. Se ahamundî himboahü yanğîrî ai hoeirundühî aboed-anei mbîsîmonda mbîsei hehi ratüpurî aboedî ratüpurî-ndeimboyei. Nga se Adükarîmbo yîhîmbondeih-anîmbo asu sihei hohoanîmo ra ratüpurî aboedî ranahambo yanğîrî hohoanîmo pandîhindî.

23 Se nîne ratüpurî ratupurayeî ra ndondîhi ratüpurîndei. Sapo se muŋgu ratüpurî ratüpurayeî ra Adükarîmbohünda ratüpurayeî, nga nindou-yeiyopoanî.

24 Se fîfîrîhimboanei, süngunambo ana Adükarî ai siheimbo takîni dagadürîmbui. Ai nîni-moatükunîyo siheimbo segudürîmboayu ra napîre sihaiamboani. Se Kraisîndî ratüpurîyorambohünda nîmboei. Aiana sihei Adükarî-ani.

25 Nindou ai moaruwai hohoanîmoayeî ana, asu God ai aheimbo simborî moaruwaimbo-ndearümbui. Nga God ai nîmorehî nindowenihi-yafe hohoanîmo ra mamî simogodühî yîbobore randühani.

4

1 Ratüpurî hîfandündeimbi bogorî se-amboanî sihamundî ratüpurîyei-rîhündeimbi nindou ranaheimbo aboedî ndondündürî hîbadündürî. Se fîfîrumboanemo, Bogorî sihamundî ranai-amboanî sünambe mbamarü.

2 Godîmbo dîdîbafîfendombo hohoanîmo ra se ndondîhi kîkîhîndîhümündî. Se dîdîbafîfembo ra ndondîhi hohoanîmondeihî Godîmbo hîhîfîndîhorî.

³ Se yihoefimbo kameihî Godimbo didibafin-dahindowani asu ai yihoefimbo nafî nafuinduanî ro Kraisindi hoafî weindahî bokarindi-hehumboane. Hoafî ranahandamboyo wambo karabusambe hîningîma-rîhindîrî.

⁴ Se didibafin-dahindan-animbo asu ro Sisasindi-mayo hoafî ra ndondihe türîboadîhe hoafindahani weindahî tükümbifeyo-wamboane God ai ranahambo hohoanimoayu süngu.

⁵ Se nindou Godimbo süngufekoate-yeimbi babîdî nimboeimbo ndondihi hohoanimondeihî aboedî hohoanimo süngundîhindî ahei hîmboahü. Se munguambo si hîbadîhündühî Kraisindi hohoanimo nafuindahündürî.

⁶ Munguambo si se aboedî hoafî yangîrî hoafîndeî. Yahurai hoafî ranimboanei nindou ai hîmborimbo yîfirayei. Rananimbo se nindou-yafe düdufe hoafî ra simborî hoafimbo wudîndîhi fîfîrîndîhi hoafîndeimboyei.

Por ai Tikikus Onesimusimbo Korosinambo koamarîhepîrî

⁷ Tikikus ai sîheimbo mungua ratüpuri ro ratüpurîmayahî ranahambo hoafîndündürîmbui. Nindou ndanana aboedî anîhondümbo Adükarîndî ratüpuri ratüpurîyurandaimb-ani asu ro-dîbo sîhefî ratüpurîyefîrîhundeimbi wandaf-ani.

⁸ Ranimboanahî ro ahambo sîheimbo sowana koararîhehinî, ai sîni ro nîne ratüpuri ratüpurayefî ranimbo hoafîyo-ndürîmbohünda. Ranimambo sîhei ngusüfo ngînîndamîndîndürîmboe.

⁹ Onesimus amboanî ai-dîbo koararîhehinî. Ai sehünd-ani asu sîhefî aboedî hamîndî

wandaf-ani. Ai-animbo siheimbo nine-moatükunî ndanihü tüküfe arandî ranahambo wataporimbo-ndinarümboyafanî.

Por ai Korosimbo karithasihandürî ehundürî

¹⁰ Aristarkus ro-dibo karabusambe anüngu ai-amboanî siheimbo hihifarandürî. Mak, Barnabasindî asandî, ranai-amboanî siheimbo hihifarandürî. Ai siheimbo sowana düduwanî ana, ahambo se ndahorimindei sapo ro siheimbo hoafimayahandürî ranimbohünda.

¹¹ Sisas Sastus sahündo-rihündeimbî ai-amboanî siheimbo hihifarandürî. Ai yangrî Sudahünd-anemo ro-babidî God nginindî hifandarandî ranahambo ratüpurimayefî. Aiy-omo wambo aboedî hamindî mafarihoundîrî.

¹² Epafras sehündî ai Sisas Kraisindî ratüpurîyu-randeimb-ani siheimbo hihifarandürî. Muᅅguambo si aho ra aiani siheimbo nginindî nüᅅgumbo siheimbohünda Godimbo didibafîfi arandî. Ai siheimboya, nindou hondü nimboeimbo sihei hohoanimo ranai God hohoanimoayu ra fifirihindühî nginindî mbiniboadeia yahuhayamboani Godimbo didibafîfi arandî.

¹³ Ro yarîhe siheimbo hoafayahandürî, Raodisia-hündî, Hiroporis-hündî ai siheimbo farîhefe-ndürimbohünda afindî ratüpurî tiᅅirîfoyei arihündî.

¹⁴ Ruk yîhoefî dokta asu Dimas ai-amboanî siheimbo hihifarandürî.

¹⁵ Wandî hihîfî hoafî nda se wandafî mamî Raodisia adükarî ngoafîhü amarei aheimbo hoafindahündürî. Nimfa asu Kraisindî nendî ahandî worambe fandîhi-rihündeimbî

ranaheimbo yihoeŋi-mayo hiŋiŋi hoafi nda hoafiŋdahündürü.

¹⁶ Pas nda se hoeindihhi mbundihümbo-animbo asu nindou Raodisia ŋgoafihi amarei aheimbo sowana koandihhehinda ai-amboani hoeimbiriŋhind-amboane. Asu se-amboani wandi-mayo pas Raodisia-hündambo koamarihhehandi ra hoeindihindi.

¹⁷ Nga asu se Arkipusiŋmbo randihhi hoafiŋdahündowohü animboya, 'Sapo ratüpurü Adükariŋdi-mayo masowandiŋi ranahambo se hibadambo animbo ndondo ratüpurüŋdafi,' mbisahüŋdo.

¹⁸ Ro Por-anahi wandi warinambo siheimbo hihiŋi hoafi nda sürü paparihandi. Se wambo hohoaniŋmo-ndahündiri, nga ro karabusambe-anahi animboahi. Nga Godiŋdi moani hiŋpoambofe hohoaniŋmo ra siheimbo sowahi mbeyanğoro-wamboane, nga karihasihandiri.

Godindï Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 18 Apr 2025 from source files dated 31 Aug 2023

c500d379-d0cf-5c22-9613-91d7bcc63af3